

光緒贛榆縣志卷之四

山川

縣治所大金山非山也積陪隆迤隍而上夷堂皇所臨萬宇在下
宣氣生物得山之義焉或以為蓋吳山結脈云山最著聲者夾谷

治以西凡四十餘里一作五十里寰宇記三十八里去西南祝其故城十五里春

秋定公十年夏公會齊侯於夾谷公羊穀梁傳頰谷釋名頰夾也音同義通左氏傳公

會齊侯於祝其實夾谷杜預注夾谷即祝其也服虔劉昭酈道元

杜佑樂史之倫皆主其說金史明一統志屬之淄川顧炎武江永

斷以萊蕪為當廣輿記兩書而並存之至顧祖禹趙坦折衷酈氏

於是嘉慶州志唐仲冕引之且錄縣人所為夾谷山記爭護益力

光緒贛榆縣志 卷之四

徐珏夾谷山記夾谷不登禹貢山海經漢地理志諸書而以記事
見於春秋亦山之昭然不可誣者哉廣輿記兩書之一見贛榆一
見淄川皆注魯定公會齊侯處山東通志嶧縣又載夾山迷使孔
子跡消無辨噫此孔子之徒之過也尤居夾谷而為孔子徒者過
也間嘗覈之嶧縣夾山非夾谷無庸辨淄川為齊內地當時會盟
宜在兩國界上魯何獨遠去封疆深入他人內地乎贛為魯東南
界與齊之南界接如隱公會齊侯於艾艾在沂州亦魯東南界也
矧左傳曰會祝其是也案淄川非東海無祝其而贛屬東海有祝其
曰東海祝其縣是也案淄川非東海無祝其而贛屬東海有祝其
城則春秋夾谷實贛夾谷淄川非東海無祝其而贛屬東海有祝其
北與吳山參東與徐山輻山比大山對峙數峯環列當面一峯
尤峻而首岐深谷夾其中東南西北委蛇亘之谷之北陂級迂迴
漸以上約山之十四一均隱秀佳木菁葱中為重臺有高陞相傳
為孔子廟廟毀遺碑屹立也碑鐫孔子相魯會齊侯處八字左右
包以石者方長圓削斷續一因乎勢約數區可廬可圃可樹再上
十之六巖於斯岫於斯洞於斯洞口有梅有桃有櫻桃有紫刺有
枸杞藤蘿薜荔疎者偃者敬者盤曲離披者蔓延糾結而懸掛者
狀不一洞外多石短而兀者可坐跛而支者可倚長而平鋪者可
卧聳突而特出者可眺峭直而上轟巉而支者可倚長而平鋪者可
情崎嶇東去包以石者延袤又數區猶之可廬可圃可樹也東遠

得路再上及嶺土如平壤東西連貫者十餘畝片石勒宜若登天
然五字四明俞侯題邑人倪六通書孟儀伯鑄也環視風景分屬
列嘯與諸礪壑間儼若插天者峯之高也凜乎無地者谷之深也
往來無定者雲鳥之出沒也近遠異姿者草樹之疏密也動止無
心悠然自得者鹿豕遊也恍惚疑似若遠邇若有無者風經石竅
石漱溪流也更為遙矚則眾山畢呈其昂以向若前其偃而背若
卻其端而峭若謀臣其矯而巉若武士其短而叢側出而跛倚若
侏儒其離然特出隱然連屬若傳命之介紹嗚呼感於思觸於視
一如齊魯諸人之對待而列環拱以聽者然左顧則沆漭浩淼皮
光騰躍逼於目滄溟直襟帶閒矣吞日月排泰岱依然夙昔之雄
風哉而當年所謂壇壝士階在斯處者反茫乎不可見也
嗚呼至於仰孔子遺烈二千三百餘年則又如一日也
謂淄川齊內地魯不當越竟深入祝其界齊魯東南左傳管仲曰
伏琛齊記泰山南龜山北穆陵山也寰宇記在沂南至於穆陵
州沂水縣北百九十里安得謂祝其齊南境耶沂引隱公會齊侯
於艾為證夫艾直今蒙陰西北魯之內地萊蕪亦齊魯之間此不
足章平議也竊獨思之虔長於春秋去古未遠道元總角之年持
光緒贛榆縣志 卷之四 二

光緒贛榆縣志 卷之四

節東州訪瀆按渠書圖自負游水為往來所經其說不應冥造又

古者君行師從卿行旅從所謂有文事必有武備魯具左右司馬

矣又何疑齊人召萊兵於千里之外也一統志不得執金史疑寰

傳注齊地名與林堯叟注合山前峯彌峻格首而虛中有似於夾

輔上舊有聖殿聖化亭奎星閣夾谷書院顧鈴聖化亭記夾谷先

侯會處也當時二國之君登壇而禮覲先師章甫衮衣以揖讓於

其間文武弛張動不失時一言未竟而信睦已修萊兵遂却汶陽

來歸雖聖人之德所過者化然亦何速若此哉蓋先師溫良恭儉

讓之德自足感齊國君臣歸向之誠而潛消默奪其悖慢之氣固

有不假言辭之感動誓盟之要質司馬左右折禦者然則岱華不

不足以為高江海不足以為廣雲夢孟諸之森茫天台雁宕之幽邃

方九州之載不足以為經緯韓魏寰宇之樞紐荆襄樊鄧中原之

門戶雲中雁門代郡上谷邊徼之屏障不足以為要衝惟道與德

可以服人夾谷之重豈不以此昔吏茲土者建亭曰聖化聖化之

行萬世猶一日也今齊魯宗社邱墟久已而闕里之盛帝王世祚不及焉可以觀聖澤而驗人心矣亭久傾圮為徹而新之庶居是邦者遵其遺訓以釋洙泗之風云俞廷瑞聖化亭記於戲孔子相魯會齊侯於夾谷今二千三百餘年矣而其事彌著以夾谷傳抑以聖人故也昔司馬子長適魯觀仲尼廟堂低回不能去王暉獲孔子履拜進學舍謂如升君子之堂仰高風攀逸駕而聆足音之楚然夫夾谷孔子之足蹟在焉當年歷階而登舉袂而言聲容動以止猶恍然視聽中吾徒即其地不忍其蹟之湮沒也乃為之亭蓋以欽聖蹟非以昭聖化也然其化未始不因以著昔兩君相見魯弱齊強孔子從容數語俾其君悔過而謀士氣奪裔兵偃戈一唯孔子聽至於邑以反田以歸而齊人不之知魯人不之知天下後世亦不之知於戲聖之化一至此哉亭之創始不可考明隆慶間令君顧鈐踵舊再作額曰聖化後百年廷瑞來令登夾谷觀聖蹤而亭已廢懼其後之終湮也復亭之而勒石以記並鐫左氏此經之傳於碑陰時康熙十二年也復亭之而勒石以記並鐫左氏此夾谷山孔子廟其創始不可考也復亭之而勒石以記並鐫左氏此孔子廟重臺高址今已毀圮之語厥後何年何氏重建亦失考歷年既久上傾下敬居近夾谷者劉升唐徐作輝賀麟經等謀重建請於子及教諭東公訓導何公典史車公咸題是舉慨然樂助於是徹基而新之益為孔子以下像徐作輝又栽松五百株杏十株

光緒續榆縣志

卷之四

異日蔚然成林與人文競茂茲其兆矣是役也董其事者徐作輝與其弟作舉也勸募者賀麟經曹琳仲貽書馬景雲劉升唐也集賞者道士孟陽傳也例得備書吳恩貴重修聖化亭記春秋之會多矣自夫子登壇相禮而夾谷益彰乃考其古蹟壇墼就湮雖遺亭亦泯沒不可復覩亦大夫之羞矣余司鐸茲邑問之縣紳劉升唐徐樹蔚不復覩亦大夫之羞矣余司鐸茲邑問之縣紳樓三楹即圖建聖化亭而未就者因而拓之建門其外一舉而兩得矣乃與訓導劉君議以學宮存庫公錢二百五十千命吳生忠言李生春洲董其事閱月告竣余嘉劉徐二君之能謀始而是亭之聿觀厥成矣爰勒石為之記王文炳重修夾谷山聖廟碑讚榆西北夾谷山孔子相魯君會齊侯處也山舊有廟歲久傾圮道光初知縣巫公新之後縣舉人劉君升唐建奎樓於其左教諭吳公訓導劉公又於廟南建聖化亭數十年於茲矣風雨漂搖勢將剝蝕知縣萬公又修之縣紳劉公西堂復集同人釀金為之助今且十載漸就零落不有人焉出而繼之非前人意也於是與諸同好鳩工庀材而堂室一如其舊於今歲之春告成焉噫嘻聖人之靈在天下一山之廟葺而治之固後人飲水思源之義云爾其南祝其山去治四十餘里土人語祝若翥翥樹音近亦謂之樹旗迤

東澁金山亦曰金牛其陽有泉冬夏溫冽脈絡與徐山相屬山有巨洞曠如窅如石几石牀布列其內橫顧有車輻山去城於四十里相傳有繫馬石高四丈又東子貢山其上有祠傍祠有曬書臺謂端木氏讀書處矣也顧山勢圓峴下廩流水延登其上可以布席命侶拱揖諸峯山之旁近者塌山去城並三十里又東狼山去城二十餘里明許泰韓廣擊寇平之狼山者也山上有泉深裁及尺方丈而弱而蓄泌儲清四時不減自崖下注琤琮有聲每春朝秋夕雲日軒豁遠而望之垂若匹素深冬互寒其注漸緩涓滴夾澗巖巖然若欠柱之倚空已

右轉而西北吳山去城三十餘里魏書所謂懷仁縣吳山也層嶮

光緒贛榆縣志

卷之四

四

秀出冠帶雲氣左壁側竦斗若削成時或下方雷雨上方旌霽舊傳吳氏居此旣歿水旱祈禱輒應唐封顯惠王立廟廟後卽遺冢云山巔有泰山行宮巫察眡人疾恆詭言與神善神須僕役具種種冥物爲祈免人生若死眡神許免以否免則祈請之功無知男女轉相煽惑曾不寤延誤而死者胥是也東有三官廟直北小吳山山繚而曲中有古剎冬日和煦異他所又西北紀鄣山去城七十里縣境最西北之山也

折而北去治四十餘里者青山亦曰廬山魏書歸義縣有廬山是也唐置青山縣卽此前爲高家山其左懷仁山山無草木魏以名縣俗謂之宿山仙人張果宿處唐仲冕以魏書有吳山魏山莒城

獨魏山無攷疑此山也又左泊船山去治並四十里山舊有石如
船長丈六尺山半有石龜二亦名龜山山東北有白石二道袤長
瑩然亦名石纜山周思隆泊船山記邑之北有泊船山焉一名龜山
長丈餘狀類船每於烟雨迷離之際望若揚帆幾疑有人將乘槎
赴銀漢間也旁接白石二道少東而北忽斷忽聯時當野花歷亂
隨石之高下起伏相掩映如千尺錦纜牽畫船綿亘四五里雙結
盧山之麓故其山亦名石纜山踰石船而西下行百餘步有石龜
二首北向其一稍西相傳二物食人苗稼或鑑之碎其脣其一忽
逸去自是更闌夜淨如聞哀號聲土人因放其象以配之雖其說
荒誕不足信然比而觀之則缺脣者似別具神工焉近復樵牧不
禁石工交集尋山之上下恣其錐鑿亂石狼藉若穴若隧船幾損
去其半矣夫水則資舟龜亦水處而皆取象於石託形於山殆所
謂山澤通氣是生神物者歟靈跡所鍾無端戕敗其造物之忌耶
將僻處寂寞無過而識者故毀之耶抑成敗有數而不可常耶吾
甚感焉世固有懷奇負異一經摧折終不克以自全者獨此山也
歟其前小金山去治二十里有東嶽廟朱汪河經其北

光緒贛榆縣志

卷之四

東北際海諸山俞志所載攔頭阿夜了髻與小鬲山分隸安東衛
海州久矣縣不得有之無事於詳

在縣東海中五十餘里者獨一秦山山東北吐有石屹立半在水
下追跡如碑籀文約略可辨地道記海中去岸百九十步水經注

步有秦始皇碑長一丈八尺廣五尺厚八尺三寸水經注三一行

十三字水經注潮至加其上三丈去則三尺所見江南通志去傳

者所云始皇登此求神仙勒石而去比於泰山瑯琊之朶東觀碣

石會稽之例其信然耶水底有路濶數尺繇岸徑氏山吐浸漱不

哆潮落水淺可揭可涉並謂始皇所築號曰神路山前有碁子灣

灣有五色小石璘璘扁扁山後石象二人異居相向上有佛寺卉

木龍葺游氣所蒸乍陰乍陽一日百變刺船而登者風雲盪襟萬里在目眞覺羨門安期可招手而呼也

明一統志山乃蒼梧飛來誤

南獨有武強山去治三十里舊傳黃雄嘗居山下率眾禦寇歿而廟祀號白馬將軍以武名山所以志也其事要不可攷等諸長陵女子義鄉縣令而已

西南五十里土山有石叢攢如鹿儼而東望又西南末山去治七十里或曰西北之山至此勢盡故名以末其東南一峯特起頂如仰盂嵐翠亭亭時露雲上故又名雲末云山西有洞中虛可入下有立石爲文人峯有三官廟

海百川之歸墟也當縣竟之東南北百四十里左夾日照右翼海光緒贛榆縣志

卷之四

六

州濤嶮以爲之防魚鹽是之自出固亦張衡所賦奧區神皋者矣川之最初者曰游水漢書地理志注游水北入海水經注淮水枝分北爲游水北逕利城故城之東又北逕祝其故城西又東北逕贛榆縣北又東北逕紀鄣故城南東北入海舊吳之燕岱汎海憚險更沿瀕是瀆以出焉者也曰劔水寰宇記懷仁縣西南八十五里源出臨沂縣界三崖山號弱馬溝東流入縣界曰堯水縣西南七十里源從臨沂東經縣八十里入海者也曰武陽溝水東出倉山山上有鹽官城因山爲基水導山下西北流者也曰義水光水元豐九域志懷仁所有者也義水光水今不可考前志所載河渠但記里識名而已尋其源委旣纏絡之糾紛究其條貫又干支之

不別圖無方里披覽茫如問諸故老又弗周晰當時操筆之士亦爲太簡者焉今略依舊文推勘削而緝之庶幾大川相間小川相屬之義

其治以北之水最近者曰玉帶河每歲雨集西北眾山之水匯渠

于劉贊村逶迤齋溱更數十曲周城東南以入于海環如帶然故

名玉帶其大者大石橋河源出吳山因勢東注折而稍南至縣北

八里又東而南會玉帶河入于海明萬曆十五年知縣樊兆程徐

應元顧文炤相繼疏濬董志毅三公河記形家言榆治地脈發自

北三里許東趨于海說者謂水背而無情百里之邦民鮮蓋藏又

無鉅人名德以振之或由也江右樊侯來令榆既築城即濬是

河自大石橋北清波東注之處築隄障之而南濬至城環北門而

會玉帶河故道蜿蜒東南入于海功方半以內召去隄旋廢水復

光緒贛榆縣志

卷之四

東而玉帶河之流亦背城而北榆之風氣益頽壞矣戊申滄洲徐

侯弱冠中制科由地卿郎署出令榆周覽縣治詳視賢宮慨然歎

曰今日親民之官其恤民造士之良政不過三年久任亦不過五

載代之者未必皆循吏吾政縱如龔黃卓魯亦有時而窮也惟疏

水利以利民生飭學校以培士氣則詒謀長焉視事月餘而修學

濬河之役茲舉河之役不動官帑不勞民力惟請支倉粟振饑如

富鄭公守青州故事士夫諸生皆相勸如子趨父侯又盡蠲羨金

覓工徒每寅起視簿書至辰已不暇退食即往視工余曉起未沐

而唱騶已過門外矣是河因樊侯所濬益深之由大石橋至城北

徐侯丁內艱士民有故道濬之東接海潮其未濬者僅三百餘丈而

君佐胸以賢稱今權榆邑事必辦顧公至念榆爲其祖臺史公舊

令之邑祠祀之鄉慨然任河功之未竟乃盡蠲贖緩覓工舉事且

晚臨事蠲奉助工三月至七月而河流滔滔東注朝宗于海矣風

氣既聚舟楫可通將見士日秀而民日阜也誰之力哉樊公創之

徐公繼之顧公成之三公同心貽茲水利也昔召杜相繼修陂塘

以遺民利當時有父母之稱此河亦三公之賜也久之堙塞國

宜名之曰三公河乃爲之記以勒石于河之澌

朝乾隆九年請帑與玉帶河並濬尋塞今河仍東流入海玉帶河

廢不復與通又北十餘里朱汪河去治二里其下游東北曰龍王廟

河去治二里又北二十里石橋河去治四里又北十里石羊河以橋似

羊故名康熙初塞柘汪河因海口名去治五里又北十里分水去治六十

里又北十里且頭河荻水河去治七里分水出與安東衛界嶺上濱

涌尺許東西分流故曰分水明季衛人鑿損石頂乃無斯異矣且

頭亦康熙初塞荻水出莒州其入海即荻水口也治以南之水近

者曰小沙河去治六里源出莒州東流為掘頭河嘉慶州志引俞志上

吳山徐山而過為言放沐水無分至縣境者且濱海漸下勢若建

瓴苟如王說贛榆且受沐害矣證諸馬陵山不可鑿之說益信

又東下游曰青口河入于海去治並十餘里青口光緒三年知縣

特秀移而北曰下口掘頭舊傳秦漢時以地有王氣發掘云又南

光緒贛榆縣志卷之四 八

唐生口河去治二里又南數里朱稽河去治二里源出澁金東流為門

樓河又東下游曰圍子河又東逕大石橋又東逕武強山北分為

五溝又東合于范家口入于海舊志謂河濱窪下五溝淤而田屢

淹沒乾隆二十一年知縣崔方韓奉 詔領帑疏濬下流民獲耕

種數十年者也嘉慶時復淤同治間知縣萬葉封始一治焉又南

數里運糧河去治三明初海運縣境之糧由此入海通唐生口河

者也其廢蓋久又南十五里孫家河去治四里源出夾谷東流為

班里莊河王橐治西又東瓦窰溝河王橐治西又東武強諸湖會

焉入于海其大者大沙河舊名廟灣子沙河源出郟城東流為董

家灣河治西六又東而南逕莊王塘曹村阜會石梁河入焉治西

里石梁亂石輻輳敬正於印不一或高踰丈或五七尺水由罅中
潑迴激激鏗若鳴琴迸若攢鏑被禊之辰遊屐最盛旁有釣臺相
傳仙人張果垂釣處也其西南游水去治七逕羽山西又逕雲末
而北入焉又東為盧家河治南四又東逕小河口入于海河舊有
隄漸圯乾隆十年沐陽民謀鑿馬陵山岡引沐水入河沐水故堽
馬陵西而南經沐境東入海贛榆恃馬陵禦沐水馬陵開則勢等
建瓴縣南十餘鎮將為澤國縣人朱之瑜孫淑沅盧景蓉等籲請
憲司履勘奏止更議於下游築子隄以防水患二十二年領帑修
築於是濱河之民不憂汎溢矣五十年後下游日淤東北東南兩
隄時見漲壞游水裔衍積沙從衡入海故道夷為平陸馴至嘉慶
光緒贛榆縣志

卷之四

十三年大水橫決為患而下游改道知縣周岱齡議濬未成陳鴻

壽繼之因所決處開通羅音五尺溝以暢下游稱便利焉朱堯望

沙河下游記大沙河之在贛榆視他水為巨矣西南合羽山雲末

馬陵蒼確夾谷諸山分注之水匯焉以入于海水經注所謂游水

是也乾隆戊寅崔侯既領帑並園子河而疏之居民慶有秋者數

十年後漸廢弛故道淤為平陸沙壅而下湖溢而上此嘉慶戊辰

水患之所以獨甚也當時水勢盛猛於小河口東新阜口沖成二

道水賴以消傳云天之所興誰能廢之天之所廢誰能興之是殆

天實為之歟周侯因之議導新口五十餘里需帑萬餘金未幾遷

去迨陳侯蒞任益踵前議蠲奉二百金以為之倡又募六百金足

之由新阜口上源羅音及五尺溝凡挑千四百餘丈深三四尺底
寬盈丈口之寬加半焉復造橋梁修道路始于己巳十月迄于庚
午五月計其所費不憚于素矣昔隋元燠築捍海堰而民蒙其福
明樊兆程開河濬海而民驩其義侯之功且不啻倍之其所以系
人思者庸有既歟異日者仰荷聖恩頌賜帑金濬五十里之長
河以竟周侯之議斯又贛榆之人延頸跂踵以望者矣時嘉慶十
五年又南十里范家橋河治西南源出末山至此始大下有龍潭深

不可測又東入臨洪河治南六里臨洪西通堯水劔水蠻子灣河方

輿紀要堯水與劔水同源東注者也一統志今嶺榆無此二水蓋

治北諸水之後則因俞志南通海州銀山壩薔薇河元末埋塞明

景泰間知府邱陵疏之尋塞又東為五龍王河治東南六十里又東而南

逕東關口入于海五龍王河為海州中正板浦糴糶販運之道嘉

慶八年後與臨洪淤廢矣

凡路溝十有九小河口鎮南自晏家橋北至范范家口鎮南自本

青口鎮長青口馬厰鎮南自青口鎮之北北上莊臨洪大沙河鎮

南自本鎮北至大大沙河盧單莊鎮南自本鎮北至盧仙邱鎮

南自本鎮北至馬歡墩埠門樓河鎮西自歡墩埠鎮東至圍門樓

光緒嶺榆縣志 卷之四 十

河鎮自圍子河至小小沙河鎮南自小沙河北岸北西關鎮東

本鎮西至小駝溝莊東自本莊西至城順化東吳鎮東自順化

吳鎮長二十五里西吳上林鎮東自西吳鎮西至中岡站鎮南自西關鎮北

岸長二朱汪鎮南自中岡站鎮北至城裏鎮南自本鎮北至中岡

中岡站鎮南自中岡站河南岸長二十里龍王廟鎮南自本鎮北至柘

汪分水鎮南自柘汪鎮北至田溝二小河口西北疏濬蕭家

舊田溝南自小河口北至武強山西門樓黃墩莊之南疏濬劉家

舊田溝北岸長八百八十丈路溝夾路為之田溝一而已制鈞

口寬八尺底三尺深四尺唐氏據嘉慶九年申報河道冊謂農民

計畝均作疏濬深通者也古者禹濬畎澮距川盡力乎溝洫周禮

遂人治埜夫閒有遂十夫有溝百夫有洫千夫有澮萬夫有川司
險設國之五溝五涂而樹之林以爲阻固三代盛王豈徒捐膏腴
之地爲之時其畜洩以備水旱哉田廬溝洫可安可危泥淖沮洳
從衡委曲亦將以限戎馬之足慎封守之固下坎上坤得師之義
焉秦興決通川防古制蕩盡班固繼馬遷作史乃獨易河渠爲溝
洫餼羊告朔姑存其名後有王者庶來取法固亦可謂遠覽架識
豪傑之士者矣縣田路之溝寢壞王橐并其名去之非班氏志溝
洫意也爰師匠人各載其名復推論古義以俟復古之君子